

## 自题仁寿楼

〔宋〕徐 衡

百尺楼成接昊苍，御题仁寿问行藏。  
 四端所有虽为贵，五福为先孰敢当？  
 日出千山凝晓色，花开十里带秋香。  
 老来意外无他念，赢得登临兴味长。

## 游 洪 岩

〔宋〕洪 皓

有此乾坤有此岩，谁知仙境在人间！  
 行行行到光明处，始信当初进步难。

## 洪 岩

〔宋〕王辅世

## 石 门

岩穴神仙宅，山门向岭开。  
 时横云作钥，怕有俗人来。

## 石 金 刚

天帝应怜我，遗留巨力神，  
 定须凭国手，精妙与传真。

## 仙 人 台

任峻我须上，更高人亦行。  
 神仙虽已往，咫尺是蓬瀛。

## 石 猴

猿猴尝学禅，立德固坚久。  
 能乘狮子游，不为狮子后。

## 山 风

山露湿吾履，山风吹我衣。  
 白云襄举处，依约认岩扉。

## 石 山 鸡

山鸡化为石，锦翼已成藏。

俗类休争食，吾心不为梁。

## 乐 平 道 中

〔宋〕权邦彦

稻米流脂姜紫芽，芋魁肥白蔗糖沙。  
 村村沽酒唤客吃，并舍有溪鱼可叉。  
 枹鼓不鸣盗贼少，鸡豚里社语声哗。  
 赛神还了今年愿，又整明年龙骨车。

## 军 山

〔宋〕张 显

乱石如群羊，合沓千里奔。  
 军山屹当前，盘踞老虎蹲。  
 巨镇压坤维，层巅没云屯。  
 下瞰大溪流，千尺清不浑。  
 舟人落风帆，挽纤系三根。  
 上欲看星斗，悬崖那可扪。

## 夜 泊 三 溪

〔宋〕朱 熹

昨夜扁舟雨一蓑，满江风浪复如何？  
 晓来揭起孤篷看，依旧青山绿树多。

## 芙 蓉 山

〔宋〕杨万里

看山须是高处看，低处看山元不见。  
 君看矮子仰高人，只见长人不见面。  
 今晨雨止升火轮，一光销尽千山云。  
 千山数日眼中失，今晨头角都争出。  
 初登峻岭也心惊，上到绝岭忽眼明。  
 天外数枝青玉笔，飞入锦囊寒突兀。  
 问来还是芙蓉尖，阔开两窗高卷帘。

## 盘 园

〔宋〕马廷鸾

云水乡中楼观开，溪山好处兴悠哉！  
 平章风月归茶鼎，管领烟霞付酒杯。  
 吟骨已成枯鹤瘦，机心莫遣狎鸥猜。